

ქალაქ ბათუმის მუნიციპალიტეტის მერია



კონკურსის მეშვეობით ტბელ აზუსერისძის ქანდაკების საუკეთესო შესრულებისა და მის საფუძველზე შედგენილი საპროექტო-სახარჯთაღრიცხვო დოკუმენტაციის შესყიდვის

საკონკურსო დოკუმენტაცია

ქ. ბათუმი

2014



სარჩევი

| | |
|---|---|
| 1. <u>საკონკურსო განცხადება</u> | 3 |
| 2. <u>საკონკურსო პირობები</u> | 5 |
| 3. <u>ტექნიკური დავალება</u> | 8 |
| 4. <u>დანართი N1, ქანდაკების განთავსების ადგილი</u> | 9 |

წინამდებარე საკონკურსო განცხადება შედგენილია „სახელმწიფო შესყიდვების შესახებ“ საქართველოს კანონისა და „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 10 თებერვლის №3 ბრძანების საფუძველზე.



1. საკონკურსო განცხადება

- 1.1. ქალაქ ბათუმის მუნიციპალიტეტის მერია აცხადებს კონკურსს ტბელ აბუსერისძის ქანდაკების ესკიზისა და მის საფუძველზე შედგენილი საპროექტო-სახარჯთაღრიცხვო დოკუმენტაციის სახელმწიფო შესყიდვაზე და კონკურსში მონაწილეობის მისაღებად იწვევს ყველა დაინტერესებულ პირს;
- 1.2. კონკურსის მიზანია ქ. ბათუმში, ფრიდონ ხალვაშის გამზირისა და აეროპორტის გზატკეცილის შეერთებასთან მიმდებარედ არსებულ წრიულ სკვერში განსათავსებელი ტბელ აბუსერისძის ქანდაკების საუკეთესო ესკიზის გამოვლენა და მის საფუძველზე შედგენილი საპროექტო-სახარჯთაღრიცხვო დოკუმენტაციის შედგენა;
- 1.3. შესყიდვის სავარაუდო ღირებულება შეადგენს 5 000 (ხუთი ათასი) ლარს;
- 1.4. საკონკურსო წინადადების წარდგენისათვის პირი იხდის საფასურს 50 (ორმოცდაათი) ლარის ოდენობით. საფასური გადაიხდება სააგენტოს ანგარიშზე, რომელიც მითითებულია სახელმწიფო შესყიდვების სააგენტოს ოფიციალურ ვებ-გვერდზე (http://procurement.gov.ge/index.php?lang_id=GEO&sec_id=39);
- 1.5. საფასურის გადახდის დამადასტურებელ დოკუმენტში მითითებული უნდა იყოს:
 - ა) გადახდის დამადასტურებელი დოკუმენტის უნიკალური ნომერი და გადახდის თარიღი;
 - ბ) შემსყიდველი ორგანიზაციის დასახელება და საიდენტიფიკაციო კოდი (ქალაქ ბათუმის მუნიციპალიტეტის მერია, ს/კ 245576826);
 - გ) კონკურსანტის დასახელება და საიდენტიფიკაციო კოდი;
 - დ) საკონკურსო განცხადების სააგენტოს ოფიციალურ ვებგვერდზე გამოქვეყნების შედეგად განცხადებისათვის მინიჭებული უნიკალური ნომერი;
- 1.6. საკონკურსო წინადადება, რომელიც არ შეიცავს საფასურის გადახდის დამადასტურებელ შესაბამის დოკუმენტს, არ განიხილება. 1.4 და 1.5 პუნქტის დარღვევით წარდგენილი საფასურის გადახდის დამადასტურებელი დოკუმენტის შემთხვევაში, პირის საკონკურსო წინადადება ექვემდებარება დისკვალიფიკაციას;
- 1.7. წარმოდგენილი საკონკურსო წინადადება მოქმედებს კონკურსში გამარჯვებულ კონკურსანტთან ხელშეკრულების დადებამდე;
- 1.8. საკონკურსო წინადადებით წარმოდგენილი ყველა დოკუმენტი ან/და ინფორმაცია წარმოდგენილი უნდა იყოს დალუქული პაკეტით, ქართულ ენაზე და ხელმოწერილი და ბეჭედდასმული უნდა იყოს შესაბამისად უფლებამოსილი პირის მიერ. პაკეტზე მითითებული უნდა იყოს კონკურსანტის/კონკურსანტების სახელი, გვარი, მისამართი, ტელეფონი. უცხო ენაზე წარმოდგენის შემთხვევაში მათ თან უნდა დაერთოს ნოტარიულად დამოწმებული ქართული თარგმანი. აღნიშნულ შემთხვევაში უპირატესობა ენიჭება ქართულ თარგმანს;



- 1.9. საკონკურსო წინადადების მიღება იწყება 2014 წლის 29 სექტემბერს;
- 1.10. საკონკურსო წინადადების მიღება მთავრდება 2014 წლის 3 ნოემბერს 18⁰⁰ საათზე; დაინტერესებულმა პირებმა საკონკურსო წინადადება დალუქული პაკეტით უნდა წარმოადგინონ 2014 წლის 3 ნოემბერს, 18⁰⁰ სთ-მდე შემდეგ მისამართზე: ქ. ბათუმი, ლუკა ასათიანის №25, ქ. ბათუმის მუნიციპალიტეტის მერიის აპარატის საქმისწარმოების განყოფილება;
- 1.11. დაგვიანებით წარმოდგენილი საკონკურსო წინადადება არ განიხილება და დაუბრუნდება კონკურსანტს;
- 1.12. კონკურსანტს უფლება აქვს წარმოადგინოს მხოლოდ ერთი საკონკურსო წინადადება. ალტერნატიული წინადადება არ განიხილება.
- 1.13. კონკურსში გამარჯვებული ნამუშევარი გადადის კონკურსის ორგანიზატორის საკუთრებაში, სახელმწიფო შესყიდვის შესახებ ხელშეკრულების გაფორმების შემდეგ, საავტორო უფლებების შესახებ მოქმედი კანონმდებლობის დაცვით.



2. საკონკურსო პირობები

2.1. შეფასების კრიტერიუმები:

2.1.1. საკონკურსო წინადადების შეფასება და გამარჯვებული კონკურსანტის გამოვლენა განხორციელდება შემდეგი კრიტერიუმებით:

ა) ვიზუალური მხარე: კოეფიციენტი – 0,4;

ბ) არქიტექტურული კონცეფცია: კოეფიციენტი – 0,6;

2.1.2 შეფასება განხორციელდება 10 ქულიანი სისტემით;

2.1.3 კონკურსანტი გამარჯვებულად ჩაითვლება, თუ მას საკონკურსო კომისიის წევრთა მიერ მიენიჭება ყველაზე მაღალი ჯამური ქულა; ქულათა თანაბრად განაწილების შემთხვევაში გადამწყვეტს წარმოადგენს კომისიის თავმჯდომარის პოზიცია.

2.2. საკონკურსო წინადადების ფასი:

ა) საკონკურსო წინადადების ფასში ასახული უნდა იყოს საქართველოს კანონმდებლობით გათვალისწინებული ყველა გადასახადი;

ბ) თუ პრეტენდენტი არ არის დღგ-ს გადამხდელი, საქართველოს კანონმდებლობის შესაბამისად, მისი საკონკურსო წინადადება წარმოდგენილი უნდა იყოს დღგ-ს გარეშე (კონკურსანტმა შენიშვნის სახით უნდა მიუთითოს გარემოება, რის საფუძველზეც არ ითვლება დღგ-ის გადამხდელად);

გ) საკონკურსო წინადადება, რომლის ფასიც აღემატება შესყიდვის სავარაუდო ღირებულებას (5 000 ლარი), არ განიხილება.

2.3. ხელშეკრულების აუცილებელი პირობები:

2.3.1. ანგარიშსწორების პირობა:

ა) ანგარიშსწორების ფორმა - უნაღდო, ვალუტა - ლარი;

ბ) ანგარიშსწორება მიმწოდებელთან განხორციელდება მიღება-ჩაბარების აქტის გაფორმებისა და დღგ-ს ანგარიშ-ფაქტურის წარმოდგენის შემდეგ 15 (თხუთმეტი) სამუშაო დღის განმავლობაში;

გ) საავანსო ანგარიშსწორება არ გამოიყენება.

2.3.2. ხელშეკრულების პირობების შესრულებლობა:

ა) ხელშეკრულებით ნაკისრი ვალდებულებების დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,25%-ის ოდენობით;

ბ) იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 2,5%-ს, შემსყიდველს უფლება აქვს შეწყვიტოს ხელშეკრულება.

გ) საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;



დ) ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

2.3.3. გამარჯვებული კონკურსანტი ვალდებულია მასთან გაფორმებული ხელშეკრულების საფუძველზე შემსყიდველ ორგანიზაციას მიაწოდოს ესკიზის შესაბამისად შედგენილი სრული საპროექტო-სახარჯთაღრიცხვო დოკუმენტაცია „შენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის N57 დადგენილებით განსაზღვრული წესების დაცვით;

2.3.4. მომსახურების ვადა:

ა) კონკურსანტმა მომსახურება უნდა განახორციელოს ხელშეკრულების გაფორმებიდან არაუგვიანეს 20 (ოცი) კალენდარული დღისა.

2.4. ხელშეკრულების საბოლოო ვარიანტი დაზუსტდება კონკურსში გამარჯვებულ კონკურსანტთან ხელშეკრულების გაფორმების პროცესში, გარდა საკონკურსო დოკუმენტაციის 2.3 პუნქტით განსაზღვრული მოთხოვნებისა.

2.5. კონკურსანტმა უნდა უზრუნველყოს:

ა) საკონკურსო დოკუმენტაციით განსაზღვრული დოკუმენტების წარმოდგენა შემსყიდველ ორგანიზაციაში შემდეგი თანმიმდევრობით:

- ქანდაკების ესკიზის პროექტი მასალაში, რასაც თან უნდა დაერთოს წარმოდგენილი მასალის ანოტაცია;
- საკონკურსო მასალა ნებისმიერი ზომის ფორმატზე (სასურველია დაცული იქნას A4 ფორმატის ჯერადობა: A3, A2, A1);
- განმარტებითი ბარათი (არაუმეტეს სამი გვერდისა), მასში ჩამოყალიბებული უნდა იყოს პროექტის კონცეფცია;
- ტერიტორიის სიტუაციური გეგმა, მასშტაბი - 1:500;
- ქანდაკების გეგმა, მასშტაბი - 1:100 ან 1:200;
- ქანდაკების მოდელი (მაკეტი ან პერსპექტიული ჩანახატი), მასშტაბი - 1:20;
- განშლები, ფოტომონტაჟი ან ჩანახატი;
- ტერიტორიის კეთილმოწყობის (გამწვანება, განათება, მისასვლელი ბილიკი და ა.შ.) კონცეფცია;
- კონკურსანტის გამოცდილების შესახებ ინფორმაცია;
- ხელშეკრულების აუცილებელი პირობები;
- კონკურსანტი პირის რეკვიზიტები, რომელშიც მითითებული უნდა იყოს:
 - კონკურსანტის იურიდიული ფორმა და დასახელება;
 - საიდენტიფიკაციო კოდი/ ნომერი;
 - კონკურსანტის იურიდიული და ფაქტიური მისამართი;
 - ხელმძღვანელის სახელი, გვარი
 - კონკურსანტის ტელეფონის ნომერი: ☎ ტელ.: ; 📠 ფაქსი.: ; 📞 მობ.:



- ელექტრონული მისამართი, E-mail:
- ბანკის დასახელება
- ბანკის კოდი
- ანგარიშსწორების ანგარიში

2.6. ყველა დოკუმენტი ხელმოწერილი და ბეჭედდასმული უნდა იყოს უფლებამოსილი პირის მიერ.

2.7. საკონკურსო დოკუმენტაციასთან დაკავშირებული განმარტებების მიღება შესაძლებელია საკონტაქტო პირისაგან: ლამზირა ბოლქვაძე, ტელ: (0422) 24 82 94; ირაკლი ახალაძე, ტელ: (0422) 27 26 27; ბაგრატ ხალვაში, ტელ: (0422) 27 26 18; წერილობითი მიმართვის შემთხვევაში ქ. ბათუმი, ლუკა ასათიანის ქ. №25, ქალაქ ბათუმის მუნიციპალიტეტის მერიის აპარატის საქმისწარმოების განყოფილება; E mail: tender@batumi.ge.

3. ტექნიკური დავალება:

ა) ესკიზური პროექტი უნდა ემყარებოდეს ეროვნულ ღირებულებებს;

ბ) ესკიზი უნდა წარმოადგენდეს სივრცით კომპოზიციას, მასშტაბის თვალსაზრისით არ უნდა იყოს კამერული ხასიათის, აღქმის წერტილები უნდა შეირჩეს განთავსების ადგილის გეგმარებითი მდგომარეობის გათვალისწინებით, კომპოზიციის შერჩევასას ანგარიში უნდა გაეწიოს მიმდებარედ არსებულ შენობა-ნაგებობებს;

გ) ესკიზი გადაწყვეტილი უნდა იყოს თავისუფალი დიზაინის, სკულპტურულ-არქიტექტურული სინთეზის საშუალებით; გრაფიკული მასალების შესრულების მანერა - თავისუფალი;

დ) ესკიზი შესაძლებელია შესრულდეს ნებისმიერი სახვითი საშუალებით (ფანქარი, გუაში, ტუში, აკვარელი, ტემპერა, შერეული ტექნიკა და სხვა);

ე) ავტორმა უნდა წარმოადგინოს ესკიზის კომპიუტერული ვერსია, ამობეჭდილი ფერად და შავ-თეთრ პრინტერზე; ყოველ ეგზემპლარზე უნდა იყოს აღნიშნული ავტორისათვის სასურველი მასალა, რომელშიც მას პროექტის განხორციელება წარმოუდგენია.

4. დანართი №1

ქანდაკების განთავსების ადგილის ფოტო









